

انوحن و اجذب الحسرة      يبويه و الـدمع ينصب  
اني بنتك يا ابو القاسم      وكأبي بفرقتك يتعب

**صعب فرقاك يا بويه**

حالات العمر بوجدك      و بدونك ردتته ما يمتد  
اجر أهاتي واهتف لك      رسول الباري يحمـد

**صعب فرقاك يا بويه**

بعد عينك ترى هالكوم      بكل جرأة يجون الدار  
و بن عمي يضل مختار      بوصية مكيد الكرار

**صعب فرقاك يا بويه**

يظلموني و يهضموني      يسگطوني على الأعتاب  
و اضل موجوعة يابويه      و اصيحن غدرو الاصحاب

**صعب فرقاك يا بويه**

و يمنعوني فدك تدري      و لا واحد يگول الحگ  
رضوا بالمنكر و سكتوا      و الروحي الحزن طوگ

**صعب فرقاك يا بويه**

اروحن و ابجي يم شجرة      و اشكي همي و حزني  
تمادوا گطعوا الشجرة      الاراکة اللبي تظلاني

**صعب فرقاك يا بويه**

و ماريده العمر و الله      اريد اتضمني ابلك  
ظلام الدنيا بعينيوني      و لا اقدر على بعدك

**صعب فرقاك يا بويه**

غبت عني يا ضي العين      و صـحـبـكـ داري زاروها  
هديتهم حطب وي نار      يبويه ابيابي وجروها

**صعب فرقاك يا بويه**

ولذت أنه وراء الباب      حتى لا يشوفوني  
وعرفوني بـغرب الجدار      بدوا صحبـك يـدفعوني

**صعب فرقاك يا بويه**

خرگ مسمار الي صدري      و ضـلـعي بويه اتكسر  
و صرخت ابـگوة يا فـضة      و لو اني ردت حيدر

**صعب فرقاك يا بويه**

اخاف ايجرد احسامه      غيور و ييدا بالحملات  
لحفظ الدين و المله      تحملت الوجع بسكات

**صعب فرقاك يا بويه**

سگط آيه من كتابك      محسن و أنه السوره  
يطه و الظنى بعده      هلال و مكمـل نوره

**صعب فرقاك يا بويه**

خذوا بن عمي قدامي      و جا قنفذ يوجعني  
يشتمني و يـاذيني      و سـوطه سـود المتني

**صعب فرقاك يا بويه**

لظمني الطاغي بعيوني      وزينب تنظر اللطمة  
صبرت اعلى الظلم بويه      لصالح هذي الأمة

**صعب فرقاك يا بويه**